

یوہ آکا شوانی جموں ہے نصرت چودھری تے محبوب سلطانی تیں خبر سُنو۔ پہلاں خاص خاص خبر۔

- *1. سرکار نے دسیو ہے جے پچھلا 10 بہراں مانہہ صحت شعبہ اندر مختص کیا بجٹ مانہہ 1 سو 64 فیصدی بابدو ہووے۔
- *2. حفاظتی دستاں نے جنوبی کشمیر غا ضلع پلوامہ غا اونتی پورہ علاقہ توں 2 مشتبہ دہشت گرداں نانہہ گرفتار کیو ہے۔
- *3. جموں کشمیر سرکار نے مغربی پاکستان غا رفیوجیاں تے 1965 مانہہ بے گھر ہوا افراد واسطے سرکار ی زمین ور مالکانہ حق حاصل کرن با رے رہنما خطوط جاری کر دتو ہے۔
- *4. تے 10 تہاڑاں ور مشتمل بابا بڈھا امرنا تہ غی یا ترا 7 اگست نانہہ لورن پونچھ مانہہ شروع ہون جاری ہے۔ جہیڑی کہ 19 اگست نانہہ اختتام پزیر وے گی۔

خبران غی تفصیل نال پہلاں محبوب سلطانی۔

LS Health

صحت تے خاندانی بہبود غا مرکزی وزیر جگت پرکاش نڈا نے کہیو ہے جے مو دی حکومت نے صحت غا شعبہ نانہہ سب توں متی ترجیح دتی ہے۔ اج لوک سبھا مانہہ وزارت صحت تے خاندانی بہبود غے تحت رقومات غی منظوری با رے مطالبات ور بحث غو جواب دیتاں واں مرکزی وزیر نے دسیو جے 14/2013 مانہہ 33 ہزار 2 سو 78 کروڑ روپیہ مختص کیا گیا تھا۔ جد کہ 25/2024 مانہہ 1 سو 64 فیصد بابدو سنگ یاه رقم 90 ہزار 9 سو 58 کروڑ روپیاں تک پُچ گئی ہے۔ جناب نڈا نے مزید دسیو جے کل بجٹ وچوں 55 فیصدی رقم قومی صحت مشن غے تحت فراہم کی جاے۔ اُنہاں نے مزید دسیو کہ سرکار صحت غا بجٹ نانہہ مزید بدھا رہی ہے تے موجودہ وقت مانہہ مجموعی گھریلو پیداوار جی ڈی پی غو 1 عشاریہ 9 فیصد ہے۔ جناب نڈا نے مزید کہیو جے آیوش مان بھارت، مفت دوائیاں تے دوجی سہولیات سنگ عام آدمی غو جیب خرچ 62 فیصد توں کھٹ ہو غے 47 عشاریہ 1 فیصد تک ہو گیو ہے۔ اُنہاں غو کہنو تھو جے قومی صحت مشن غے تحت ضلع ہسپتالاں، بنیادی صحت مرکز نانہہ مضبوط کرن واسطے ریا ستاں نانہہ مالی تے تکنیکی مدد فراہم کی گئی ہے۔ بنیا دی ڈھانچہ بارے بولتاں واں وزیر صحت نے کہیو جے مو دی حکومت مانہہ کل 22 ایمز ہسپتالاں نانہہ منظوری دتی گئی جن وچوں 18 کم کر رہیا ہیں جد کہ 4 زیر تعمیر ہیں۔

Terrorist Arrest

حفاظتی دستاں نے جنوبی کشمیر غا ضلع پلوامہ غا اونتی پورا علاقہ توں 2 مشتبہ دہشت گرداں نانہہ گرفتار کر لیو ہے۔ سرکار ی ذرائع غے مطابق زبیر احمد تے ہجاج نذیر نانہہ دہشت گردی مخالف آپریشن غے دوران اونتی پورا توں گرفتار کیو گیو ہے۔ گرفتار کیا گیا دہشت گرداں کولوں 2 پستول تے مجرمانہ سامان بازیاب کیو گیو ہے۔

Army LOC Firing

چوکس فوجی دستاں نے اج جموں صوبہ غا اکھنور تے سندر بنی سیکٹر مانہہ قبضہ لکیر غے کول دراندازاں گا دو گروپاں غی نقل و حرکت دیکھن توں بعد گولی چلائیں۔ مہارا آکاشوانی جموں غا نامہ نگار این گلشن رینہ نے خبر ثوری ہے جے چوکس دستاں نے اکھنور غا بٹل سیکٹر غا اگلا علاقہ مانہہ 3 توں 4 دراندازاں غی مشتبہ نقل و حرکت توں بعد درمیانی رات تقریباً 1 بج غے 30 مینٹ ور

فائرنگ شروع کی۔ تاہم اس سلسلہ مانہہ فائرنگ غو تبادلہ نہیں ہوؤ۔ لیکن دوئے علاقہ مانہہ بڑا پیمانہ ور تلاشی کا روائی جاری ہے۔ تا نچے اس گل نانہہ یقینی بنايو جا سکے جے سرحد پار توں اس پاسے کوئی وی دہشت گرد دراندازی کر غے نہ آيو وے۔ اس ضمن مانہہ انہاں علاقہ نانہہ اگ گاشولان تیں روشن کرن غے نال نال ڈرون غے ذریعے نگرانی مانہہ رکھن تیں علاوہ علاقہ غی سخت کہیرا بندی وی کی گئی ہے۔ اُونگاں راجو ری ضلع غا سُندر بنی، نوشہراہ سیکٹر غا اگلا علاقہ مانہہ قریباً رات 12 بج غے 30 منٹ ور مشتبہ نقل و حرکت دیکھن توں بعد فوجی دستاں غی طرفوں کجھ راؤند فائرنگ کی گئی۔ دفعہ 370 غی منسوخی غی 5 ویں سالگراہ غے پیش نظر جموں کشمیر مانہہ حفاظتی نظام نانہہ مزید چوکس کر دتو گيو ہے۔

LS Rural Credit

خزانہ محکمہ غا مرکزی وزیر مملکت پنکج چودھری نے اج کہيو ہے جے دیہی علاقہ مانہہ زمینی سطح واسطے رقومات نانہہ 2014 مانہہ 7 عشاریہ 3 لکھ کروڑ روپیاں توں بدھا غے 2024 مانہہ 25 عشاریہ 46 لکھ کروڑ روپیاں تک کر دتو گيو ہے۔ تا نچے لوک اس غو فائدو چاہ سکیں۔ اج لوک سبھا مانہہ اک سوال غا جواب مانہہ وزیر مملکت نے ایوان نانہہ دسیو جے کسان کریڈٹ کا رڈ غے تحت کسانان نانہہ 4 عشاریہ 26 لکھ کروڑ روپیاں غا فصلی قرضہ فراہم کیا گیا جد کہ 2024 مانہہ یاہ تعداد 9 عشاریہ 82 لکھ کروڑ روپیاں تک پُج گئی ہے۔ انہاں نے مزید دسیو جے پر دھان منتری جن دھن یوجنا غے تحت مالی شمولیت نانہہ یقینی بنان واسطے 52 کروڑ توں متا کھاتہ کھولیا گیا ہیں۔ جناب چودھری نے دسیو جے سرکار غی طرفوں کسانان غی بھلائی بہتری تے زرعی پیداوار نانہہ بدھان خاطر کئی اقدام چایا گیا ہیں۔ اس سلسلہ مانہہ اُن غو مزید کہنوتھو جے سرکار نے نوجوانان واسطے بکھ بکھ سکیم بشمول مُدرہ تے سٹارٹ اپ انڈیا غو نفاذ عمل مانہہ آئیو ہے۔ وزیر موصوف نے اس گل غی وی جانکاری دتی ہے جے مرکزی بجٹ مانہہ نوجوانان واسطے سکیمان غو وی اعلان کیو گيو ہے۔ تے مُدرہ سکیم غے تحت 10 لکھ روپیاں کا قرضہ غی سہولت نانہہ بدھا غے 20 لکھ تک کر دتو گيو ہے۔

CDS Conference

دفاعی عملہ غا سربراہ جنرل ایل چوہان نوی دہلی مانہہ اک اعلیٰ 3 فریقی مالیاتی کانفرنس غی صدارت کر رہیا ہیں۔ جس غو مقصد مسلح افواج غا مالی معاملات مانہہ تعاون نانہہ بدھانو ہے۔ اس کا نفرنس مانہہ دفاعی مالیات غا بکھ بکھ شراکت داران غا نقطہ نظر نانہہ سمجھن، دفاعی خریداریاں مانہہ درپیش مشکلات غو حل لوڑن بارے گل بات وے گی۔ اس کانفرنس نانہہ دفاعی عملہ غا صدر مقام غے ذریعے منعقد کرایو جا رہیو ہے۔ دفاعی خدمات پارے مالی صلاح کار تے خریداری پارے ڈائریکٹر جنرل اپنی تنظیمان غا کردار تے اقدامات پارے گل وی کریں گا۔ وزارت دفاع، دفاع کھاتہ غا نگران جنرل، سرکاری ای مارکیٹ پلیس غا سینئر افسر شرکت کر رہیا ہیں۔ ذرائع ابلاغ غا نمائندان سنگ گل کرتاں وان فضائیہ غا نائب مارشل انیل سبروال نے کہيو جے اج غی کانفرنس غو موضوع ”مالی ہم آہنگی نانہہ بدھانو ہے“۔ انہاں نے کہيو جے تمام مسلح افواج کول دقتان سنگ نمڑن واسطے جدید سامان ہونو چاہیے۔ میجر جنرل سنڈیپ نارنگ نے کہيو جے اگر ملک نانہہ اگے بدھانو تے اس نانہہ خود انحصار بنانو پے گو۔ انہاں نے کہيو جے اس کانفرنس غے دوران 3 دفاعی افواج بشمول فوج، فضائیہ تے بحریہ اس بجٹ سنگ اگے بدھن غا تمام طریقان پارے تبادلہ خیال کریں گا۔

RS PMAJ

حکومت نے آج جانکاری دتی ہے جسے اُس نے صرف پردھان منتری آواس یوجنا کے تحت مکانات کی تعمیر اور بی 50 ہزار کروڑ روپيا خرچ کیا ہیں۔ راجیہ سبھا مانہہ اک سوال گا جواب مانہہ مکانات تے شہری امور غا مرکزی وزیر منوہر لال نے کہیو کہ حکومت غو بنیا دی مقصد سب واسطے مکانات نانہہ یقینی بنانو ہے۔ حکومت نے یوہ وی دسیو ہے کہ اُس نے سمارٹ سیٹی سکیم اور 46 ہزار کروڑ روپيا خرچ کیا ہیں تے باقی 2 ہزار 4 سو کروڑ روپيا مارچ 2025 تک خرچ کرن غو منصوبو ہے۔ جناب منوہر لال نے کہیو کہ ماڈل سیٹی بنان غی سکیم کے تحت 100 شہراں غو انتخاب کیو گیو ہے۔

LS Peacock Sanctuay

ماحولیات، جنگلات تے موسمیاتی تبدیلی غا مرکزی وزیر بھوپیندر یا دو نے اج کہیو ہے جسے مرکزی حکومت نے کرناٹک کی اڈیچن چنگیری تے کیڑل کی چولنور نانہہ موران کی پناہ گاہ قرار دے دتو ہے۔ اج لوک سبھا مانہہ اک سوال غا جواب مانہہ مرکزی وزیر نے دسیو ہے موران کی موت گرمی نال ہوئی ناکہ کسے بیماری نال۔ وزیر موصوف نے مزید دسیو ہے قومی پرندہ غا تحفظ واسطے بکھ بکھ اقدامات کیا جا رہیا ہیں۔

یہ خبر تم آکا شوانی جموں تیں سن رہیا ہیں خبراں غا باقی حصہ نال نصرت چودھری۔

WPR Land Rights

محکمہ مال کی طرفوں مغربی پاکستان غا رفیوجیاں تے 1965 مانہہ بے کہر ہوا افراد نانہہ سرکار زمین اور مالکانہ حق دین با رے رہنما خطوط جاری کر دتا گیا ہیں۔ مغربی پاکستانی رفیوجیاں نانہہ ملکیتی حقوق دین واسطے محکمہ مال نے رہنما خطوط مانہہ کہیو ہے جسے اُن کول محکمہ مال کی طرفوں قیام کردہ ریکارڈ کی اک اصل کاپی ہونی چاہیے، جس مانہہ سرکار زمین اور اُن غا لگاتار ریکارڈ شدہ کاشت کاری بارے دسیو گیو وے یاہ اس تیں علاوہ سرکار غا حکم کے تحت دتی جان آلی مالی امداد کی رسید کی تصدیق کردہ کاپی ہونی چاہیے۔ اس تیں علاوہ دسیو گیو ہے جسے میونسپل کارپوریشن کمیٹیاں کی حدود مانہہ موجود زمین اور ملکیتی حق کسے وی صورت مانہہ نہیں دتا جائیں گا۔ اس ضمن مانہہ متعلقہ ڈپٹی کمشنراں نانہہ کہیو گیو ہے جسے اس سلسلہ مانہہ ہونی پیش رفت با رے اطلاع صوبائی کمشنر تے مالی کمشنر نانہہ جمع کراویں۔

Budda Amarnath Yatra

دس تہاڑاں اور مشتمل شری بابا بڈھا امرناتھ یا ترا 7 اگست نانہہ شروع ہون جا رہی ہے۔ مہارا آکا شوانی غا نمائندہ نے خبر ٹوری ہے جسے شری بابا بڈھا امرناتھ یا ترا غو پہلو جتھو بھگوتی نگر یا تری نواس توں 6 اگست نانہہ پونچھ ضلع واسطے روانہ وے گو۔ اس ضمن مانہہ ہر سال کی طرح بڈھا امرناتھ مندر منڈی پونچھ مانہہ تمام انتظام کر لیا گیا ہیں۔ جن مانہہ لنگر، صفائی ستھرائی، طبی سہولیات، بغیر رکاوٹ کے بجلی تے پانی کی سپلائی تیں علاوہ دیگر شامل ہیں۔ ڈپٹی کمشنر پونچھ یسین چودھری نے متعلقہ محکماں نانہہ ہدایت جاری کرتاں وان کہیو ہے جسے مندر مانہہ چل رہیا تعمیراتی کم کاج نانہہ مکمل کیو ہے تے اس تیں علاوہ مندر غا کول کال بجلی نانہہ یقینی بنان تے بیت الخلاء مانہہ صاف صفائی برقرار رکھن با رے وی کیو گیو ہے۔ واضح رہے جسے بابا بڈھا امرناتھ سرحدی ضلع پونچھ مانہہ جموں تیں 2 سو 90 کلو میٹر کی دوری اور واقعہ ہے۔ تے اس ضمن مانہہ منیو جائے جسے وادی کشمیر غا ضلع اننت ناگ مانہہ بابا امرناتھ یا ترا ادھوری وے جد تک بابا بڈھا امرناتھ غا مندر مانہہ حاضری نہ دتی جائے۔ سوامی بڈھا امرناتھ یا ترا صدیاں توں

چل رہی ہے تاہم اس نانہ سن 1852 توں 1939 غا ڈوگرہ حکمرانی مانہہ باقاعدہ شروع کیو گیو تھو۔

Prez Fiji

صدر جمہوریہ درویدی مُرمو 2 روزہ سرکاری دورہ وراچ فیجی غا شہر نادی مانہہ پُج گئی ہیں۔ اُن کو استقبال فیجی غا نائب وزیر اعظم ولیم گاؤکا تے فیجی مانہہ بھارت غا بائی کمشنر پی ایس کرتھیگیان نے کیو۔ صدر جمہوریہ اپنا ہم منصب تے فیجی غا وزیر اعظم نال دو طرفہ گل بات بارے ملاقات وی کریں گی۔ اور محترمہ درویدی مُرمو فیجی غا پارلیمنٹ سنگ خطاب وی کریں گی۔ اس تیں علاوہ وے سووا مانہہ گاندھی میموریل کالج تے نادی مانہہ سری شیوا سُبرامنیا سوامی مندر غو دورو وی کریں گی۔ واضح رہے جوہ صدر جمہوریہ غو فیجی غو پہلو درور ہے۔

Integration Day Poonch

پونچھ شہر مانہہ اچیکبھتی تہاڑا غا موقعہ وراک متفقہ جشن دیکھن مانہہ آيو۔ مختلف سیاسی، سماجی تے مذہبی تنظیم اس موقع ورا شامل ہوئی۔ یاتہ تقریب دفعہ 370 غی منسوخی غی 5 ویں سالگرہ غا طور ورتھی۔ جہیڑو بھارت غی تاریخ غو اک اہم لمحہ ہے۔ تقریب غو آغاز قومی پرچم لہران تیں بعد ہوو۔ جس تیں ماحول مانہہ حب الوطنی غو جذبہ پیدا ہوو۔ اس تقریب مانہہ مقامی لوکاں، مختلف تنظیمان گارینما تے پُرجوش شرکاء غا اجتماع مانہہ شرکت کی۔ جہیڑا اس اہم دن نانہہ یادگار بنان واسطے اکھٹا ہوا تھا۔ تقریب غے دوران شرکاء مانہہ مٹھانی تقسیم کی گئی۔ مہارا ضلع نمائندہ نال گل کرتاں وان ایڈوکیٹ بانو پرتاپ تے راجیو شرمانے کیو۔۔۔ بانٹ۔

LS Plantation

جنگلات، ماحولیات تے موسمیاتی تبدیلی گامرکزی وزیر بھوپیندریا دؤ نے کہیو ہے جوہ وزارت نے ”ایک پیرماں کے نام“ مہم مانہہ بدھ چڑھ غے حصول واسطے تمام اراکیں پارلیمان نانہہ اک خط لکھیو ہے۔ اچ لوک سبھا مانہہ اک سوال غا جواب مانہہ جناب یا دؤ نے کہیو جوہ وزیر اعظم نریندرمودی نے ماحولیات تے تحفظ تے جنگلات غا احاطہ مانہہ اضافہ غی مہم شروع کی ہے۔ تے مرکزی وزیر نے اس مہم نانہہ کامیاب بنان واسطے متوتوتوں متو حصول لین با رے گذارش کی ہے۔

اس غے نال ہی خبراں غو یوہ بلیٹن ختم ہوو۔